



San 21nan Zanwiye - san 1994
A songo: DOROME 10 - N° 264

kibaru

A bc bo kalo o kalo "AMAP" ka yamaruya kono - Hake : 16.000
"AMAP" kuntigi: Gawusu DARABO - Dilanbagaw ni Sébenbagaw kuntigi : Basiriki TURE

SAN KURA 1994 DUSU KURA



PERESIDAN ALIFA
UMARU KONARE KA
JEMUKAN (n° 3)

KODIWARI
"JIRIBA" BINNA

**MALI CIKELAW
KA NEMOGOJEKULU**

"KIBARU"
KA SAN KURA 1994
NOCOGNOCUL
KUMAW
 (n° 8)

A PERESIDAN KERA
KARAMOKO SUMUNU YE
 (n° 4 ni 5)

MALI SORODASIKULU
SIGILI YE SAN 33 SORO
 (n° 8)

DONSOYA DABORA AKECOGOKORO MA YELEMA

Kabini san 1978, donsoya lajora Mali kungow bëe kono. O san 15 de ye ninan ye. A sababu bora ja donni de la, jamana kono, san 1973 la, ka sanji tige, ka kungow nagasi, ka sogow silatunun. A masibaw binna bëe lajelen kan, noggofé. A ye sénékelaw bali, ka soro ke, kuma te jiriforotigiw ni monnikelaw ma. A ye ji ni kungo moggow bila baarantanya kene kan. Min ye dowsow ye sa, a ye mone min don olu la, o barika bonyara kojugu.

Olu ka marifaw kera masiriw dörön de y'u bolo.. Kuma lasurunya la, a y'olu ke dongsomarifatigi sogofagabaliw de ye. Anw fe farafinna, kabini lawale la, ni sababu ni sababu te, o koro ka ca kosebe.

Nk'a be fo, ko fen bëe be ban, don do la. Hali ni ja ma ban pewu, mogo faamuyalenw y'a jira, k'a b'a banbolo de kan, sisan, k'a da sanjiko daguncogo numan kan, min kera sababu ye, ka kungo lakuraya, san o san, ka temen körölen kan. Olu de fana ye kungokoncogow caman seginniko jate mine, ka siga b'a la.

Ojatemine be kise kan, bawo, kungo lakurayali ni sogow seginni de be da noggofé ma, dijé jamanaw bëe kono, sanko, jako basigilen be yoro minnu na.


O siratige la, fangaso ye sariya kura ta, ka kungo dayelen, dowsow ye, ka sogofaga yamaruya, san 1994 kalo 5 folo kono. A be damine, zanwuyekalo tile folo don, k'a kunce mekalo tile 31 don. Yelema ma don, a ko la, bawo, donsoya tun be k'o waati yere de kono, kabini lawale la, ka na se tubabutile ani Modibotile ma, fo ka s'a bëe lajoli ma, Musatile la.

N'a dabora, kokura ye, demokarasifanga kono, ka ben Alifatile ma, o ye bensenmako ye, min ma latige gansan.

Dowsow ka kan, k'o yoro faamuya, ka donsoya sariyaw bëe lajelen labato, walasa, k'a jira ko demokarasifanga bonya b'u yoro.

Donsoya kecogo yere, a sebenko, a marifako n'a kisekow, a lénpoko n'a takisiko ani sogo suguya fagataw, olu te négé «donsohoronw» ye, n'o ye tondenw ye, ka koro. Olu ta man gelén. Dugubakoncogofé minnu be wuli, karidonw ani fetidonw, k'u kunda kungo kan, k'a sor'ut sariya la, olu de be donsoya lagosi.

Peresidan Alifa Umaru KONARE ka san 1994 jemukan.



Peresidan Alifa Umaru Konaré

Jamanakuntigw ka sankura jemunkanlase ye laadalako ye. O siratigé la, Peresidan Alifa Umaru ka ninan san 1994 jenmukan ma ke politiki kuma

KODIWARI «JIRIBA» BINNA

Kodiwari jamana peresidan Hufuye BUWANI, n'a bë wele ko «NANA FOFOYI» ni bëe k'a ma ko «Cekoroba» minkasabali, aka baara, aka nafolotigiya n'a ka fonisereya dönnen bë farafinna bëe kono, o fatura san 1993 Desanburukalo tile 7 don, k'a si to san 88 na.

Ni a ka fonisereya bë nefo, k'a faamuya, a ka kan, ka fo ko Kodiwari «JIRIBA» binna. Sosoli t'o fccogo la, sira caman kan.


A ye dogotoroya kalan ke, k'o kunkorotaseben soro. Nk'a ka fasoko, a ka mogodemeko, a ka jiriforoko n'a ka nafoloko kera sababuw ye, k'a bila sira wëre kan. O koso, a ma se, ka meen dogotoroya la. O sira y'a ke mogotogotigi ani politikimogoye. Ale de kera farafin folo ye, min tara, k'a ke Afiriki togola minisiri ye, Faransi jamana kono. Ale kera Afiriki politikiton folo

dorën ye, min fccogo n'a waleyacogo te kelen ye. A kera tinafogonye kumaw de ye, minnu jesinnen be kelenya sabaticogo ma, geleya kono. A y'a jira ko geleya te mögo kelen si, jekulu kelen si ani jamana kelen si ka ko lajininen ye; ko latigeko don, min waati sera, n'a dadigilen be diñe bëe la, nogon fe.

O koso, Alifa ko, k'a te mögo negen : ko jamana yiriwali, a ka netaa n'a ka here te nogonneni, nogonbugo ani nogonfaga la, minnu be sanga la, sisani, politikisira kan, desebagato jamanaw kono, Afiriki jamanaw be minnu ce ma. A ko ni politikkow fognognökawalew farala nafolodeseko jorenankowkan, k'o be geleya juguya, ka t'a fe.

A k'o de kama, jamanadenw ka kan, ka «fasoko» bila «yerekö» ne, n'an t'a fe, hali Mali ka fisa ni jamana minnu ye, olu ka yele Mali la. Alifa ko, k'a dalen b'a la, k'an t'ena s'o yoro ma, k'a d'an ka yeredon kan, min ye lawaleko ye, diñe bëe be min kalama.

RDA sigibagaw nemögofolo ye, san 1946 la, Bamako. O san kelen na, ale de kera Afiriki jiriforotigw ka jekuluton sigibaga foloye, Abijan. Alede kera Kodiwari jamana ka yerefa sababu ye, san 1960 la. A ye san 33 de ke fanga la. O waati kono, a ye Kodiwari dilan cogo min na, bëe b'o kalama. Nk'a tun be hine cogo min na, a tun be wari di desebagato ma cogo min na a tun be banabagato ni falatow ladon cogo min na, o nogon te soro tugun, farafinna bëe kono.



Fofoyi banna k'a si to san 88 na


MALI CIKELAW BEE KA

Kalo témenné «KIBARU» kóno, cikéjekuluw sigiliko nafora jamana marabolo n'a dugu bëe kelen-kelen kóno. Osiratigé la, a jirala, ko kabini san 1993 Zuluyekalo la, cikéjekuluko basigira, k'a ke sariyalako ye, Mali kóno. An bë waati minna, sisan, cikéjekulujemogó minnu sugandira, Nowanburukalo wotew senfë, olu ye baara daminé. A ko sabatili b'a jira, ko demokarasifanga némogow ye lahidu tiime, k'a masor'akuma fôra, k'a gelya, kôferansinationali kéné kan, k'a sementiya, cikélaw yérew togo lakunben kéné kan, san 1991 la, Bamako kóno. Laben fen o fen kéra, walasa, ka cikéjekulu sigi yoró bëe la, jamana kóno, olu kuncewale kéra marabolow mogó sugandilenw farali ye, nögón kan, Bamako dugukóno. Ocidenyamaruyalenw de jéra ka Malicikelaw ka némogojekulu sigisen kan, san 1993 nowanburukalo tile 25 don. O mogow bëe san 5 de ke némogoya la. N'o dafara, a kuntigisoba bëe lakuraya. O lakurayaliwale ye san 5 o san 5 ye. Mogó minnu sugandira kuntigisoba mogow céla, k'olu k'a kow latémennaw ye, olu doron de bëe sigi Bamako. A tow seli Bamako, o bëe sorò sira damadow fe, i ko cikalaman, welejaabi, wali, tonsigin'a nögonnaw, minnu waatiw dönnen bëe, ka koro, ani minnu ye laje balalenw ye. A kéra cogo o cogo, a baara té ke taanikasegin caman kó, k'a da bolofaraw cayali kan, ani yorow janyali, nögón na.

Mali cikélaw ka némogojekulu sigili, walasa, k'u kunkow nanaboliwalew t'u yérew ma, k'a sorò, jamana fangaso némogow ani politikitonw sen t'a la, o bëe na ni fen damadow dajirali ye,

nögónbilasira kadara kóno. Cikélaw labenna cogo, min na, o ye kokura ye. A nögón té yoró si, farafinna bëe kóno. Mali de fôbla, k'a ke. Osiratigé la, minnu y'a kuma fô, kabini san 1991 la, n'o ye Zenerali Amadu Tumani TURE n'a ka mogow ye, ani minnu y'a wale ke, san 1993 la, n'o ye Peresidan Alifa Umaru KONARE n'a ka mogow ye, ani minnu bëe k'a baara ke, n'o ye cikela yérew ye, olu bëe lajelen b'a kosifilelikéne de kan, sisan. Fen o fen dun b'o kéné suguya kan, mogó hakilima bëe b'i yérew kolosi, k'i yérew tanga, ko dôw ma. N'o té, a tige nögónnayorow bëson, ka caya, kosebe. O de koscón, cikélaw ka kan, ka hakili sorò, k'u bolo di nögón ma, ka ben, ko la. N'u ma s'o la, u bëe bëe jigi koro, bawo, olu de y'u sendon, k'u bolodon, walasa, faamaw ka b'u n'u ka sorò n'a hère ce. A ko ma se, ka ben, tubabutile la. A ma se, ka nè, Modibotile la, kuma té Musatile ma.

Jateminé la, Mali cikélaw yewaati min ke, segen ni munun na, ka sor'u m'u sago sorò, o kuntaala




Karamoko SUMUNU

NEMOGOJEKULU SIGIRA

janyako jugu tun y'u tige fangako bëe la. Nka, ciklaw bëe lajelen dara demokarasifanga la, min ker'u sago soroli sababu ye, ka bën Mali ka yéreta sanyéléma 33 nan kunben ma. Odanaya n'a bonya an'a karama koso, fognogonko fosi man kan, k'u tiye njogon ye, fo ka s'u bilali ma, kele ani togötine kéné kan. O yoro ka kan, ka fo ciklaw ye, sira caman kan. Hadamadenya fan bëe ye gasi ye. A juguya yoro dö ye politikiko ye, min bë sanga la, sisan. O bë se, ka cikela döw kunmayéléma, k'u bojekulu sigikun karada kono. Mogo minnu te baara suguya kelen ke, n'olu ye njogon sorô, jekulu kelen kono, olu secogo, ka njogon dafa, bëe k'i ka nafa sorô, ka sor'u ma njogon tojo, o yere y'a danma politiki ye. An b'o misali ke bagantigiw ani seneforotigiw ni jiriforotigiw ka tumabëe kele ye, minnu caman laban ye joginni, fagali, kiiritige ani kasoladon ye.

A kera cogo o cogo, ni ciklaw ka nemogojekulu ma se, k'u ka tondon suguya bëe kala njogon na, k'u cekow nénabo, n'u yérew ka fërew ye, n'a



Ciklaw ka kunben kene

ma ke mogo wérew sendonni y'a la, a ko bëe bëtiye. N'o kéra, ciklaw ka san baa yirika caman sègen bë ke gansannako ye. Fangaso nemogow bë laban tugun k'u senbo, k'u bolobo, k'u dabo, kowbëe la, ka sorô k'u labencogo wére jate mine, nininkali wére te min na, k'o wajibya. Walasa, an bëe kana bila, o nimisakene njogonna kan, jekuluba sigira, Bamako, ka baara suguya bëe kelen-kelen ani Mali Erezon bëe kelen-kelen ka mogo sugandilenw bil'a kuntigiyayoro la, sanko, dogonogonnawale kana b'a la, bëe ka bë kow bëe kalama, k'u nénabo, njogon fe. O siratige la, wote min kéra, delegew yérew fe, o dadiyara Karamoko SUMUNU na, n'o ye bagantigi ye, Bamako, k'a masorô, bëe y'i ka danaya da, ale de kan, k'a ke Mali ciklaw ka nemogojekulu peresidan ye, san 5 hake kono. Peresidan sugandilen kô, woteda sera peresidan-dankanw ma. Olu sugandili wotew bora, njogon koro, cogo min na, o file :

Peresidan - dankan fôlo bora SEGU.

Peresidan - dankan filanan bora SIKASO.

Peresidan - dankan sabanan bora KAYI.

Peresidan - dankan naaninan bora TUMUTU.

Peresidan - dankan duurunan bora MOTI.

Peresidan - dankan woɔrɔnan bora KULUKORO.

Peresidan - dankan wolonfilanan bora GAWO.

Peresidan - dankan seginnan bora KIDALI.

A bëe lajelen ye mogo konoñton de ye, doni dara minnu kun, n'u ka taanikasegin bëson, ka caya, Mali kono, an'a kôkan. U bëe ye baara de sorô, sisan, k'a masorô, sigikafere t'u ye tugun, kuma te dakasunogó ma.

KAYIRA

1. Dugumakalan Labencogo :

- a) Denmisén minnu si ma se lakoliladon ma, ani iujuratow, olu ka kalan bolofara bë yen.
- b) Kalan kun föl denmisénw
- c) Fasokannakalan min te ke kalan kun föl hukumu kono (balikukalan)

2. Dugumakalan cogoya bi-bi in na, n'an k'a bakurubafô :

Denmisén ncinniw minnu si ma se lakoliladon ma / iujuratow (Min ye kalan kun föl ko ye kerenkerennenya la)

- Kalanyorow (san 1993 : 2027) ni kalansow (9520-kuraw 534) man ca, wa u caman man ni, walima u körölen don kojugu, u jccogo man ni. San 2000 na, n'an b'a fe denmisén 50% ka se ka don kalan na, fo kalanso kura 8135 ka jo. Kalanyorow 109 bë kalan ke fasokanw na, ni karamog 443 ye, ani kalanden 21407. Kalanyorow 358 ye madarasa ye, kalanden 62 592 bë min kono
- Sigilankoka gelén kalanyorow camanna. Kalanso dōw jora a bë san saba bë, sigilan t'u kono hali bi.
- Kalankefenw te surunya ka laboii ke, sanko gafew.

- lakoliladonkiime ka dōgo : 25% (dubabukalannaw) 5% (madarasa) = 30% Denwolo kiime b'o juguya ka taa a fe.

- kalanden bolobolota ka ca kalan daminesan n'a labansan furance la. Minnu bë san fila walima saba ke kalansokelen kono, ofana kiime ka ca.

Ni kalanden 1000 donna san 1 la, 154 bë se san 9n, k'a soro 32 ma san 2 ke kalanso si kono, 59 ye seginkanko 1 ke, 63 ye seginkanko 2 ke.

- Furanceba bë kalanden cemanw nimusomanw ce k'a ta u dontuma ma kalan na ka taa se u bötuma ma: ce kiime ka ca muso ta ye.

- Furance bë jamana maraw ni kafow fana ni

nögön ce : kalanyorow ka ca yoro dōw la kosebe ka temen yoro dōw kan.

- karamogow te boli ke, wa dōonin bë u caman ka kalan je, u ka karamogoya yere baara siratige la. (Ka fara waatininkaramog 1229 kan).

- dumunikeyorow te kalandenw bolo, sanko sigiyorow gelénw na. (Kalanden balokojugu te se ka kalan ke konuman ni ka wasa).

- wari min bë don kalan dafé jamana fe (jamana musaka nesigilen 25%), o la dugumakalan nyiyorow, o ka dōgo kosebe ni cemakalan ni sanfekalan ta ye.

(kalan ni baarasoro ce, ko be mon kan min kan, jége te tila o kan kan. Caman be tila kalan na, u te baara soro, walima u bë baara min soro, o ni u ka kalan te tali ke nyögön na).

(Min ye fasokannakalan ye kerenkerennenya la)

- fasokannakalan dönni kiime ka dōgo.
- kalanko nénaboli forobayalen te kosebe. Lakolidensomogow ni dugumogow jorowka dōgo a la halisa. (U ka kan ka se k'u fela fo kalan kecogo, fén kalantaw, kalan kuntilennaw, kalanyorow ni kalansow kow nénaboli, o n'a nögönnaw kan).

3. JAMANA NEMOGOW B'A FE KA MIN KE:

Komin dönniklaw ka kolosili n'u ka jatemine y'a jira k'a fo ko jamana si te se ka bë nögön la n'i ka jamana mogotilance ma kalan soro. Foferew ka tige minnu bë o kuntilemma masoroli sabati an bara yan Malila, yanni san 2000 ce. Ofeerew ye mun ye?

Ka kalan kunfölc nesigi konuman kabini denmisénw si ma se don ye kalan kun föl la, yanni san 2000 ce. O foerew ye mun ye?

Ka kalanden donta caya kalanso föl kono.

Ka kalan kunfölc nesigi konuman kabini denmisénw si ma se don ye kalan kun föl la.

(SANIYA, BALOKOJUMAN, MOGOBONYA...)

- . kalanso kɔrɔlenw ka laben
- . kalanso kura caman ka jo
- . dɔ ka fara karamogow kan, n'o te se ka ke, karamogɔ kelen ka se ka kalanden kulu fila kalan ka bɔ nɔgɔn kɔrɔ kalanso kelen kɔnɔ.
- . dɔ ka bɔ kalan dakunw na: kala te min na kosebe o ka bila kerefe.
- . karamogɔ yerew ka kalan konuman, cogo min na, u ka baara be ceñe.
- Ka furancé bɔ kalanden cemaw ni musomanw ce, kabini san fɔlo.
- Ka musomanw ka kalan ta ni barika ye, bari n'i ye ce kelen kalan, o ye mogɔkelen kalannen ye, n'i dun ye muso kelen kalan, o ye jamana bee lajelen kalannen ye. Obolen kɔyɔn, muso joyɔrɔ ka bon ce ta ye jamana sɔrɔ dilanni sira fe.
- . Kalan kun fɔlo nɛmogɔsɔ la, kulu sigira sen kan min ka baara nɛsinnen don o ma. (Ka mogɔw lafaamuya musomanw ka kalan nafa la, ka nɔgɔndan ke kalansow ni nɔgɔn ce)
- Ka feere tige cogo min na kalanden bolobolotaw be dɔgoya kalan sen fe.
- . kalan be damine kan min na, o ka ke kalanden fakan ye
- . gafe ka ke kalanden kelen-kelen bee bolo.
- . karamogow ka kalan a nɛma, walasa u kana geleya sɔrɔ denmisew kalanni na.
- Ka fasokannakalan jiidi ni k'a jensən, nka kalandenw ka baara fana kalan o sen fe.
- K'i hakili jagabɔka sira kuraw don dugumakalan mumɛ na, min be sira kɔrɔ filiw latilen.
- . ka dugumakalan forobaya, a dɔgɔyara cogo o cogo, bee ka dɔ sɔrɔ a la, denmisew fara mogɔkɔrɔba kan.
- . ka an ka kanw joyɔrɔ pereperelatige, k'u don da la kalan hukumu kɔnɔ.
- . ka jama fanba kalan an ka kanw na.
- . ka kalanbaliya kεlε kabini a fan kɔnɔ, n'o ye denmisewna ye.
- . ka feerew tige min b'a to gafe numanw be

kalandenw labɔ.

. ka sini baara nɛsigi ni bi baara ye, u kana fo nɔgɔn kɔ.

4 DUGUMAKALAN NAFA :

Hadamaden kunda :

- i be bɔ dibi la (ce min taara ni a yere ka kalolaçonsèben ye).
- i be se k'i yere nɛnabɔ (batakisèben, denbaya ka musaka jate mineli, sannifeere, furatacogow, denwoloboloda, o n'a nɔgɔnnaw).
- i b'i ka jamana ni diñe taacogo faamuya ka temen fɔlo kan.
- badaa kalan sira dayelennen be to i ye : sanga ni waati bee, i be se ka dɔ fara i ka dɔnta kan, kalan sababu la.

Jama kunda :

- kunnafoni falen-falenni mogow ni nɔgɔn ce, o be caya, sèbenni kosɔn.
- jamana denw be se ka tali ke jamana wɛrew kibaruya sèbennew na.

Jamana kunda :

- banaw kubenni n'u kεleli be nɔgɔya, balokojuman be sabati, o fana be na ni mogɔ sata dɔgɔyaliye, sanko musokunda (jiginni sen fe) ani denmisennin kunda).

Nɛnɛmaya jigi kiime be kɔrɔta.

- denwolo be boloda, ka ben jamana sɔrɔ ma.

- baaraw kecogonuman ni hadamadenw ka farikolokene ya basigilen be na ni dɔ farali ye jamana sɔrɔ kan.

- jamana marali n'a kunkow nɛnabɔli te ke jamana nɛmogow dɔrɔn kunkankoye, bawo mogɔ o mogɔ b'i bolo dayɔrɔ dɔn sèben na, o na se k'i joyɔrɔ fa o là.

5. Naniya la, dugumakalan de hami be jamana nɛmogow la, ka temen kalan kun filanen ni sabanan kan.

"KIBARU" KA SAN KURA 1994 NOGONBILASIRA KUMAW

Ni hadamadenw jèra, hɔrɔnya la, ka fən o fən sigisenkan, o fənyiriwalicogo bək'uhaminanko ye. O b'i n'a fo «KIBARU» baarakelaw, a dəməbagaw, a kanubagaw n'a kalanbagaw ka laadiriya, min kera sababu ye, ka «KIBARU» ka jetaa sabati, san o san, ka t'a fe. Okama, ni Ala ye san kura o san kura jir'an na, an bə foli ke nɔgɔn ye, ka nɔgɔn waleñumandɔn, ka dugawu ke nɔgɔn ye, ka nɔgɔn sɔn hakili la.

Osiratigè la, «KIBARU» ka jinan sankura 1994 nɔgɔnbilasira kumaw bə jəsin wale nafama damadɔw ma, minnu ka gelən, kunnafonisəbenko la kɔsəbə. O wale dɔ ye sigiyɔrlakow, sekow, dɔnkow, ani kokɔrɔw ni nsiirinw n'u nɔgɔnnaw səbenni ye, k'u lase «KIBARU» ma, Bamako, u jənsenniko kama, Mali kɔnɔ, an'a kɔkan.

A wale dɔwəre ye wulikajɔ ye, ka «KIBARU» jini, k'a sɔrɔ, k'a san kalo o kalo, wali, k'a bakurubasan sijne kelen, walasa k'a bəs kelen-kelen kɔnɔkow lakodɔn. A wale dɔ fana ye timinandiya ye, «KIBARU» maraliko la, k'a nimɔrɔ bəs da nɔgɔn kan, k'u bila yɔrɔ suturalen na, walasa k'ukəbilankɔrɔfənwy, minnu bə se, ka woloma, tuma bəs la, sababu dɔw kɔson, sɔsɔli bə minnu cəma. Ni mɔgɔ min sera, k'o walew bəs k'a cəsiriko ye, o tigi b'u nafa ye, don dɔ la.

Mali sorodasikulu sigili ye san 33 sɔrɔ

San 1960 Setanburukalo tile 22 don, Mali y'a yərəta, k'a kəjamana hɔrɔnyalenye, k'a bolo bɔ Faransi bolo, a tun ka ca ni san kəmə ye, min ka mara la, n'o bə wele ko kolonialisimu. Nka, Mali sorodasikulu sigili sen kan, o latigera san 1961 Zanwuyekalo tile 20 don, i ko kalo naani hake, yərəta kelen kɔ. Labenko caman minnu kər'ofurancé kɔnɔ, kəledenko ni kələminenkɔ la, olub'a jira kobaaranɔgɔntuntɛ, k'ada sorodasikɔ jɔyɔrɔ kologirinya kan, jamana lakanaliko la. Kabin'o tuma la, fo kana se sisan ma, mɔgɔ si ma jigin faso lakanalicéden na.

O de kɔson, san o san, ni Zanwuyekalo tile 20 don sera, n'o y'u sigili sanyelema kùnbèn don

ye, fasodenw bə jəgali yɔrɔ bəs la, k'a masɔ'rɔ don ye jamana n'a kɔnɔmɔgɔw bəs kunnawolodon ye. O bə faamuya, bawo sorodasiw, zandaramuw, polisiw ani garidiw ma kuncəbonyako fosi kɛ, min b'a jira jamanadenw na, k'u n'u tə kelen ye. Bəs y'a dɔn k'u sigira, k'u laben, kəlekunben de kama. O m'u bali, ka fara jamakulu tɔw kan, fasobaarakow, yiriwalikow ani jetaakow siraw kan. O misali y'u ni siwiliw jeliye, ka Musa Tarawelemine, ka demokarasiko basigi Mali kɔnɔ. An bə waati min na sisan, Malidenw səwalen bə sorodasikuloko la, ka temen jamana caman kan, Afiriki ani dijɛ yɔrɔ tɔw kɔnɔ.